



საქართველოს ტურიზმის სექტორი ტურიზმის ბაზრის მიმოხილვა

ტურიზმი
ყოველწლიური მიმოხილვა
15 სექტემბერი, 2017

2016 წელს სასტუმროებში უცხოელ სტუმართა რაოდენობის ზრდამ გადაჭარბა ტურიზმის ზრდის ტემპს. ტურისტების რაოდენობა 2016 წელს წლიურად 19.2%-ით გაიზარდა 2.7 მილიონამდე, მაშინ როდესაც სასტუმროებსა და სასტუმროს ტიპის დაწესებულებებში უცხოელი სტუმრების რაოდენობამ 42.8%-ით იმატა 1.7 მილიონამდე, საქსტატის მიერ ჩატარებული კვლევის მიხედვით. გარდა ამისა, მნიშვნელოვანი ზრდა დაფიქსირდა სასტუმროებში ადგილობრივი ვიზიტორების რაოდენობაშიც, მიაღწია რა თითქმის 870,000-ს (+27.0% წ/წ). უცხოელ სტუმართა წარმოშობა საკმაოდ მრავალფეროვანია. წამყვანი ქვეყნები იყვნენ რუსეთი (13.8% უცხოელი სტუმრების), თურქეთი (12.9%) და უკრაინა (7.4%), ხოლო დანარჩენი 65.9% სხვა ქვეყნებზე განაწილდა.

რეკრეაციის და დასვენების მიზნით ჩამოსული სტუმრები წამყვან როლს თამაშობენ სასტუმროებში ვიზიტორთა ზრდაში. დასასვენებლად ჩამოსულ სტუმართა რიცხვი, 2014 წელთან შედარებით, 2.8-ჯერ გაიზარდა და 1.2 მილიონს გაუტოლდა, რაც სასტუმროებში უცხოელ სტუმართა 74.6%-ს შეადგენს. რაც შეეხება ბიზნეს ვიზიტორებს, მათი რაოდენობა დაახლოებით 2014 წლის დონეზე დარჩა და 270,000-ს გაუტოლდა. მიუხედავად იმისა, რომ სამედიცინო ტურიზმი საქართველოში განვითარების ადრეულ ეტაპზეა, სამედიცინო მომსახურების მიღების მიზნით ჩამოსულ სტუმართა რაოდენობა ბოლო ორი წლის განმავლობაში 2.5-ჯერ გაიზარდა. თუმცა, აღნიშნული კატეგორია ზომით უმნიშვნელო რჩება; 2016 წელს ამ მიზნით მხოლოდ 26,347 ვიზიტორი დაფიქსირდა სასტუმროებში. ყაზახეთი სამედიცინო ტურისტების ძირითადი წყაროა. ამ მიზნით ჩამოსულ ყაზახ ვიზიტორთა რაოდენობა 2016 წელს, წინა წელთან შედარებით, თითქმის გაოთხმაგდა და სამედიცინო ტურისტების 38.4% შეადგინა.

სწრაფი ტემპით ვითარდება სასტუმროები საქართველოს საზღვაო კურორტებზე. აღსანიშნავია, რომ ხდება ახალი ადგილმდებარეობების ათვისება. სექტემბერში შეგვეთილში გაიხსნა სასტუმრო „Marriott“-ის ექსკლუზიური ბრენდის, „Autograph Collection“-ის, 220-ოთახიანი Paragraph Resort and Spa. სასტუმრო საქართველოს თანაინვესტირების ფონდის პირველი პროექტია ქვეყნის ზღვისპირეთში. ფონდს ასევე დაეგეგმილი აქვს საზღვაო კურორტებზე ორი 5-ვარსკვლავიანი სასტუმროს გახსნა 2018-2019 წლებში: 190-ოთახიანი სასტუმრო განმუხურში, 60მლნ აშშ დოლარის ინვესტიციით და 280-ოთახიანი Wellness and Spa Resort მწვანე კონცხზე.

ძირითადი ინდიკატორები

საერთაშორისო ვიზიტორები, 2016	6,360,503
ტურისტები, 2016	2,720,970
ტურიზმიდან შემოსავლები მშპ-სთან, 2016	15.1%
უვიზო რეჟიმის ქვეყნები	98
პირდაპირი ფრენები საქართველოდან	90
ავიაკომპანიები	40
განთავსების ობიექტები	1,945
ოთახები	27,366


წყარო: საქართველოს ეროვნული ბანკი, ტურიზმის ეროვნული ადმინისტრაცია, სამოქალაქო ავიაციის სააგენტო, საგარეო საქმეთა სამინისტრო

ცხრილი 1: ვიზიტორები ქვეყნების მიხედვით, '000

ქვეყანა	8თ17	წ/წ ზრდა
აზერბაიჯანი	1,148	10.4%
სომხეთი	1,101	16.8%
რუსეთი	955	33.9%
თურქეთი	813	-6.6%
ირანი	221	141.9%
უკრაინა	135	15.3%
ისრაელი	85	39.9%
საუდის არაბეთი	46	196.4%
ყაზახეთი	42	16.7%
პოლონეთი	37	20.0%
ინდოეთი	36	98.9%
გერმანია	35	32.4%
ბელარუსი	35	31.3%
აშშ	30	26.8%
გაერთიანებული სამეფო	17	31.3%
სხვა	321	41.3%
ჯამი	5,059	18.9%


წყარო: ტურიზმის ეროვნული ადმინისტრაცია

გრაფიკი 1: სასტუმროს ვიზიტორები სტუმრობის მიზნის მიხედვით, მლნ



წყარო: ჯეოსტატი

გრაფიკი 2: სასტუმროს ვიზიტორები ქვეყნების მიხედვით



წყარო: ჯეოსტატი

ნინო პაპავა

საინვესტიციო კვლევების დეპარტამენტის უფროსი | n.papava@gt.ge | +995 322 401 111 ext.4693

კახაბერ სამყურაშვილი

ანალიტიკოსი | ksamkurashvili@gt.ge | +995 322 401 111 ext.4298



110მლნ აშშ დოლარის საინვესტიციო ღირებულებით. ბათუმში Best Western-ის პირველი 50-ოთახიანი სასტუმრო გაიხსნა 2017 წლის ივლისში, თუმცა ბოლო პერიოდში, ინვესტორები აჭარის სხვა კურორტებისადმიც ავლენენ ინტერესს. სათხილამურო კურორტ გოდერძიზე, გარდა დაგეგმილი საერთაშორისო ბრენდული სასტუმროებისა, 2019 წლისთვის ოთხი ადგილობრივი სასტუმროს გახსნა იგეგმება 20მლნ ლარის ინვესტიციით. ასევე მნიშვნელოვანი პროექტები გამოცხადდა ქობულეთში, გონიოში და ციხისძირში.


საერთაშორისო ვიზიტორები საქართველოში

2017 წლის აგვისტოში საქართველოში შემოსული საერთაშორისო ვიზიტორების რაოდენობა 1.1 მლნ-ს გაუტოლდა (+27.4% წ/წ). წამყვანი ქვეყნების ოთხეულიდან, ვიზიტორების რიცხვი მნიშვნელოვნად გაიზარდა სომხეთიდან (+11.7% წ/წ), აზერბაიჯანიდან (+18.5% წ/წ) და რუსეთიდან (+27.8% წ/წ). ასევე მნიშვნელოვნად გაზრდილია თურქეთიდან შემოსული ვიზიტორების რაოდენობა (+42.2% წ/წ), თუმცა აღსანიშნავია, წინა წლის შესაბამისი პერიოდის განსაკუთრებით დაბალი ბაზა (-41.6% წ/წ). ევროკავშირის ქვეყნებიდან შემოსული ვიზიტორების რაოდენობამ აგვისტოში 47,000-ს გადააჭარბა (+29.8% წ/წ).

საერთაშორისო ვიზიტორების რაოდენობამ 2017 წლის რვა თვეში 5.1მლნ შეადგინა (+18.9% წ/წ). ვიზიტორების რიცხვი გაიზარდა ყველა წამყვანი ქვეყნიდან, გარდა თურქეთისა (-6.6% წ/წ). ვიზიტორთა რაოდენობის ზრდაში წამყვანი როლი ითამაშეს სომხეთმა (+16.8% წ/წ) და რუსეთმა (+33.9% წ/წ). აზერბაიჯანის კონტრიბუცია 2.5 პროცენტული პუნქტი (პ.პ.) იყო, შემოსული ვიზიტორების რაოდენობა კი წლიურად 10.4%-ით გაიზარდა. ირანელი ვიზიტორების რაოდენობა 2.4-ჯერ, თითქმის 221,000-მდე გაიზარდა და საგრძნობლად გადააჭარბა უკრაინელი ვიზიტორების რაოდენობას (135,325, +15.3% წ/წ) 2017 წლის რვა თვეში.


2017 წლის რვა თვის მონაცემებით, მეორადი ბაზრების წილმა საერთაშორისო ვიზიტორებში 20.0%-ს გადააჭარბა. მეორადი ბაზრებიდან (ევროკავშირის გარდა) ვიზიტორების მატებამ 4.3 პ.პ. შემატა ჯამურ 18.9%-იან ზრდას. ისრაელიდან შემოსული ვიზიტორების რაოდენობამ 84,000-ს (+39.9% წ/წ) გადააჭარბა, ხოლო ინდოელი ვიზიტორების რაოდენობა 36,000-მდე (+98.9% წ/წ) გაიზარდა 2017 წლის რვა თვეში. გაორმაგდა ვიზიტორების რაოდენობა ახლო აღმოსავლეთის რეგიონიდან და მიაღწია 126,000-ს, რაც ძირითადად განპირობებული იყო საუდის არაბეთიდან ვიზიტორებთა რაოდენობის მკვეთრი ზრდით. ევროკავშირიდან ჩამოსული ვიზიტორების რაოდენობა 24.2%-ით გაიზარდა თითქმის 221,000-მდე, დიდწილად გერმანიის, პოლონეთის და გაერთიანებული სამეფოს ხარჯზე.

გრაფიკი 3: ვიზიტორები ქვეყნების მიხედვით, აგვისტო 2017 (მლნ)



შენიშვნა: პ.პ. - პროცენტული პუნქტი კონტრიბუცია ვიზიტორების ჯამურ ზრდაში
წყარო: ტურიზმის ეროვნული ადმინისტრაცია

გრაფიკი 4: ვიზიტორები ქვეყნების მიხედვით, 8თ17 (მლნ)




შენიშვნა: პ.პ. - პროცენტული პუნქტი კონტრიბუცია ვიზიტორების ჯამურ ზრდაში
წყარო: ტურიზმის ეროვნული ადმინისტრაცია




2017 წლის აგვისტოს მონაცემებით, ტურისტები კვლავ წამყვან როლს თამაშობენ უცხოელი ვიზიტორების რაოდენობის ზრდაში. იმ ვიზიტორების რიცხვი, რომლებმაც საქართველოში 24 საათზე მეტი დაჰყვეს (ტურისტები), ივლისში 27.2%-ით გაიზარდა - ივნისში და ივლისში დაფიქსირებული მაღალი მაჩვენებლის შემდეგ - და ჯამური ვიზიტორების 53.1% შეადგინა. ერთდღიანი (+26.4% წ/წ) და ტრანზიტული ვიზიტორების (+28.5% წ/წ) რიცხვიც შთამბეჭდავად გაიზარდა. 2017 წლის რვა თვის მონაცემებით, ტურისტების რაოდენობამ 2.4მლნ შეადგინა (+29.4% წ/წ), ერთდღიანი ვიზიტორების რაოდენობა მცირედით, 1.8%-ით, გაიზარდა, ხოლო ტრანზიტული ვიზიტორების რაოდენობამ წლიურად 26.0%-ით იმატა.

გრაფიკი 5: ვიზიტორები კატეგორიების მიხედვით, აგვისტო 2017 (მლნ)



შენიშვნა: პ.პ. - პროცენტული პუნქტი კონტრიბუცია ვიზიტორების ჯამურ ზრდაში
წყარო: ტურიზმის ეროვნული ადმინისტრაცია

გრაფიკი 6: ვიზიტორები კატეგორიების მიხედვით, 8თ17 (მლნ)



შენიშვნა: პ.პ. - პროცენტული პუნქტი კონტრიბუცია ვიზიტორების ჯამურ ზრდაში
წყარო: ტურიზმის ეროვნული ადმინისტრაცია



ცხრილი 2: ტურიზმის ძირითადი ინდიკატორები

	2012	2013	2014	2015	2016	8თ17
ტურიზმიდან შემოსულობები, მლნ \$	1,410	1,719	1,787	1,935	2,166	1,859*
საერთაშორისო ვიზიტორები	4,428,221	5,392,303	5,515,559	5,901,094	6,360,503	5,059,106
კატეგორიების მიხედვით						
ტურისტი	1,789,592	2,065,296	2,229,094	2,281,971	2,720,970	2,402,699
ტრანზიტი	754,959	1,188,791	1,114,036	1,400,835	1,321,344	1,117,569
ერთდღიანი	1,883,670	2,138,216	2,172,429	2,218,288	2,318,189	1,538,838
ქვეყნების მიხედვით						
აზერბაიჯანი	931,933	1,075,857	1,283,214	1,393,257	1,523,703	1,148,484
სომხეთი	921,929	1,291,838	1,325,635	1,468,888	1,496,437	1,101,479
თურქეთი	1,533,236	1,597,438	1,442,695	1,391,721	1,256,561	813,039
რუსეთი	513,930	767,396	811,621	926,144	1,038,750	955,475
სხვა	527,193	659,774	652,394	721,084	1,045,052	1,040,629
აეროპორტები	429,364	585,716	643,088	764,588	1,066,378	1,070,819
მათ შორის						
თბილისი	378,947	462,173	493,895	627,903	845,830	837,620
ქუთაისი	46,272	54,975	65,528	77,490	129,551	150,947
ბათუმი	4,145	68,568	83,665	59,195	90,997	82,252
განთავსების ობიექტები	826	940	1,035	1,374	1,742	1,945
ოთახები განთავსების ობიექტებში	13,123	15,781	17,303	21,429	24,854	27,366
საწოლები განთავსების ობიექტებში	30,857	37,159	40,809	51,165	59,636	66,184

*წინასწარი მონაცემი

წყარო: ტურიზმის ეროვნული ადმინისტრაცია, სამოქალაქო ავიაციის სააგენტო, საქართველოს ეროვნული ბანკი



მნიშვნელოვანი შეტყობინება

ეს დოკუმენტი მკაცრად კონფიდენციალურია და მომზადებულია სს "გალტ ენდ თაგარტი" ("Galt & Taggart") მიერ, რომელიც არის სს ბიჯუო ჯგუფის ("ჯგუფი") წევრი, მხოლოდ საინფორმაციო მიზნებისთვის და მასში ნახსენები კომპანიებისგან დამოუკიდებლად. ეს დოკუმენტი არ წარმოადგენს რაიმეს ნაწილს და არ უნდა იქნას განხილული, როგორც შეთავაზება ან კლიენტების მოზიდვა ან მოწვევა რაიმე აქტივების ყიდვისთვის ან გაყიდვისთვის, ან გამოყენებისთვის და ამ დოკუმენტის არცერთი ნაწილი არ ქმნის საფუძველს კონტრაქტისთვის ან ვალდებულებისთვის და არ შეიძლება განხილული იყოს, როგორც რეკომენდაცია რაიმე მსგავსი ქმედებისთვის.

გალტ ენდ თაგარტი უფლებამოსილია აწარმოოს პროფესიონალური აქტივობა საქართველოს ბაზარზე. ამ დოკუმენტის ცირკულირება გარკვეული იურისდიქციების ფარგლებში შეიძლება აკრძალული იყოს კანონით. პირებს, რომელთა მფლობელობაშიც ეს დოკუმენტი აღმოჩნდება, გალტ ენდ თაგარტისგან მოეთხოვებათ დაიცვან ყველა ის შეზღუდვა, რომელიც მოქმედებს მათ მიმართ. ეს დოკუმენტი არ არის განზრახული გავრცელებისთვის, პირდაპირ ან ირიბად, ან გამოყენებისთვის ნებისმიერი პირის ან ორგანიზაციის მიერ, რომელიც არის რაიმე ადგილის, სახელმწიფოს ან სხვა რაიმე იურისდიქციის მკვიდრი ან მოქალაქე, სადაც ამგვარი გავრცელება, პუბლიკაცია, ხელმისაწვდომობა ან გამოყენება კანონის ან რეგულაციის საწინააღმდეგო იქნებოდა ან რომელიც მოითხოვდა რეგისტრაციას ან ლიცენზირებას ამგვარი იურისდიქციის ფარგლებში.

ინვესტიციები (ან მოკლევადიანი გარიგებები) განვითარებად ბაზრებზე დაკავშირებულია მნიშვნელოვან რისკთან და მერყეობასთან და შეიძლება არ იყოს ყველასთვის შესაფერისი. ამ დოკუმენტის მიმღებმა პირებმა უნდა მიიღონ საკუთარი საინვესტიციო გადაწყვეტილებები, რომლებიც მათ მიაჩნიათ სწორად, მათ საკუთარ ამოცანებსა და ფინანსურ მდგომარეობაზე დაყრდნობით. ამ პროცესში ამგვარი მიმღები პირები დარწმუნებული უნდა იყვნენ თავიანთ ქმედებებში, როცა ახორციელებენ რისკების შეფასებას, რომლებიც დამახასიათებელია განვითარებად ბაზრებზე ინვესტირებისთვის, მათ შორის პოტენციური პოლიტიკური და ეკონომიკური არასტაბილურობა, სხვა პოლიტიკური რისკები, კრძოლი, ცვლილებები კანონებში და ტარიფებში, აქტივების ნაციონალიზაცია და ვალუტის გაცვლითი კურსის რისკი.

გალტ ენდ თაგარტის ან ჯგუფის რომელიმე წევრის ან მათი დირექტორების, თანამშრომლების, ფილიალების, მრჩევლების ან აგენტების, ან რომელიმე სხვა პირის მიერ არ მომხდარა რაიმე რწმუნების, გარანტიის ან ვალდებულების წარდგენა ან აღება, აშკარად გამოხატულის ან ნაგულისხმევის, და ამ დოკუმენტს არ აქვს პრეტენზია მასში არსებული ინფორმაციის უტყუარობაზე, სისწორეზე და ამოწურავობაზე (და იმაზე, რომ რაიმე ინფორმაცია არ არის გამოტოვებული ამ დოკუმენტიდან) და არ შეიძლება მასზე დაყრდნობა. ეს დოკუმენტი არ უნდა განიხილებოდეს, როგორც ბაზრების, ინდუსტრიების და/ან კომპანიების სრული აღწერა, რომლებიც მასში არის ნახსენები. ამ დოკუმენტის არცერთი ნაწილი არ წარმოადგენს სამართლებრივ, საინვესტიციო, ბიზნეს ან საგადასახადო რჩევას, წარსულის ან მომავლის მიმართ, გალტ ენდ თაგარტის ან ჯგუფის რომელიმე წევრის ან მათი დირექტორების, თანამშრომლების, ფილიალების, მრჩევლების ან აგენტების მხრიდან. დოკუმენტის მიმღებებს მოეთხოვებათ ჩაატარონ მათი საკუთარი დამოუკიდებელი კვლევა და შეფასება ამ დოკუმენტში განხილულ საკითხებთან დაკავშირებით. ნებისმიერი საინვესტიციო გადაწყვეტილება მიღებული უნდა იქნას მხოლოდ ინვესტორის პირადი შეხედულებით. კანონის თანახმად, გალტ ენდ თაგარტი ან ჯგუფის რომელიმე წევრი ან მათი დირექტორები, თანამშრომლები, ფილიალები, მრჩევლები ან აგენტები პასუხისმგებლობას არ იღებენ ნებისმიერ ვალდებულებაზე რაიმე ზიანის ან ზარალის მიმართ, რომელიც შეიძლება წარმოიქმნას, პირდაპირ ან ირიბად, ამ დოკუმენტის ან მისი შინაარსის რაიმე გამოყენების შედეგად, ან რაიმეწინააღმდეგო უკავშირდებოდეს ამ დოკუმენტს, ან რაიმე ქმედების, ან უმოქმედობის შედეგად რომელიმე მხარის მიერ, ამ დოკუმენტის საფუძველზე.

ამ დოკუმენტში არსებული ინფორმაცია ექვემდებარება შემოწმებას, სრულყოფას და ცვლილებას შეტყობინების გარეშე და გალტ ენდ თაგარტს არ აქვს რაიმე ვალდებულება ამ დოკუმენტში არსებული ინფორმაციის განახლების ან აქტუალურობის შენარჩუნების მიმართ. ამ დოკუმენტის მიწოდება არც ერთ შემთხვევაში არ ნიშნავს იმას, რომ არ მომხდარა ინფორმაციის ცვლილება ამ დოკუმენტის თარიღის შემდგომ ან იმ თარიღის შემდგომ, როდესაც ეს დოკუმენტი უკანასკნელად განახლდა, ან რომ ამ დოკუმენტში მოცემული ინფორმაცია უტყუარი რაიმე პერიოდისთვის იმ თარიღის შემდეგ, როდესაც მისი მიწოდება მოხდა, ან, თუ განსხვავებულია, ამ დოკუმენტში მითითებული თარიღის შემდეგ. გალტ ენდ თაგარტის ან ჯგუფის რომელიმე წევრის ან მათი დირექტორების, თანამშრომლების, ფილიალების, მრჩევლების ან აგენტების მიერ არ გაკეთდა რაიმე რწმუნება ან გარანტია, აშკარად გამოხატული ან ნაგულისხმევი ამ ინფორმაციის სისწორესთან და ამოწურავობასთან დაკავშირებით.

ამ დოკუმენტში მოწოდებული ინფორმაცია და გამოთქმული მოსაზრებები ემყარება ინფორმაციას, რომელიც ხელმისაწვდომი იყო გამოცემის თარიღისთვის და წარმოადგენს მხოლოდ გალტ ენდ თაგარტის შიდა კვლევის ნაწილს. მოსაზრებები, პროგნოზები და შეფასებები, რომლებიც მოცემულია მასში, მიღებულია მესამე მხარის წყაროებიდან, რომლებიც მიჩნეულია სანდოდ და კუთილსინდისიერად, და შეიძლება შეიცვალოს შეტყობინების გარეშე. მესამე მხარის პუბლიკაციები, კვლევები და გამოკითხვები ზოგადად აჩვენებს, რომ ამ დოკუმენტში მოცემული ინფორმაცია მიღებულია ინფორმაცია მიღებულია წყაროებიდან, რომლებიც მიჩნეულია სანდოდ, მაგრამ არ არსებობს ამ მონაცემების სისწორის და ამოწურავობის გარანტია. შესაბამისად, არ შეიძლება დაყრდნობა ნებისმიერ იმ მონაცემზე, რომელიც მოცემულია ამ დოკუმენტში. არც გალტ ენდ თაგარტი, არც ჯგუფის რომელიმე წევრი, ან მათი დირექტორები, თანამშრომლები, ფილიალები, მრჩევლები ან აგენტები არ გასცემენ რაიმე რწმუნებას ან გარანტიას, აშკარად გამოხატულს ან ნაგულისხმევს, ამ დოკუმენტის სარგებლობაზე მომავალი საქმიანობის პროგნოზირების საკითხში, ან რომელიმე ფასიანი ქაღალდის ან აქტივის მიმდინარე ან მომავალი ღირებულების შეფასებაში.

გალტ ენდ თაგარტს და ჯგუფს ნებისმიერ წევრს შეიძლება ჰქონდეს ბიზნესი ან ცდილობდეს ბიზნესი-ურთიერთობის დამყარებას კომპანიებთან, რომლებიც მოცულნი არიან ამ კვლევით. შედეგად, ინვესტირებმა უნდა იცოდნენ ინტერესთა პოტენციური კონფლიქტის შესახებ, რომელსაც შეუძლია გავლენა მოახდინოს ამ დოკუმენტში არსებული ინფორმაციის ობიექტურობაზე.

ეს დოკუმენტი კონფიდენციალურია გალტ ენდ თაგარტის კლიენტებისთვის და კვლევითი მასალების გამოშვებისთვის. ამ დოკუმენტის ან მისი ნებისმიერი ნაწილის უნებართვო კოპირება, გავრცელება, პუბლიკაცია ან გამჟღავნებითი გადაცემა რაიმე მდლით ან რაიმე ფორმით ნებისმიერი მიზნისთვის მკაცრად აკრძალულია.

ამ დოკუმენტის მიმღები პირები პასუხისმგებელი არიან ვირუსების და სხვა დესტრუქციული მოვლენებისგან დაცვაზე. ელექტრონული გადაცემის მიღება ხდება მიმღები პირის საკუთარი რისკის ხარჯზე და წარმოადგენს მის პასუხისმგებლობას, მიიღოს ზომები, რომ ვირუსებისგან და სხვა დესტრუქციული მოვლენებისგან უზრუნველყოს დაცვა.

გალტ ენდ თაგარტი
მისამართი: აღმაშენებლის გამზირი 79, თბილისი, 0102,
საქართველო
ტელ: + (995) 32 2401 111
ელ. ფოსტა: research@gt.ge

საინვესტიციო კვლევების დეპარტამენტის ხელმძღვანელი
ნინო პაპავა | n.papava@gt.ge

ეკონომისტი
ევა ბოჭორიშვილი | evabochoreshvili@gt.ge

ეკონომისტი
ლამა ქვთარაძე | lashakavtaradze@gt.ge

ანალიტიკური განყოფილების უფროსი
გიორგი ირემაშვილი | giremashvili@gt.ge

ანალიტიკოსი
იოსებ ქუმსიშვილი | ikumsishvili@gt.ge

ანალიტიკოსი
მარიამ ჩახვაშვილი | mchakhvashvili@gt.ge

ანალიტიკოსი
კახაბერ სამყურაშვილი | ksamkurashvili@gt.ge

ანალიტიკოსი
ბაჩანა შენგელია | bshengelia@gt.ge